

▲函電▼

電

大元帥覆成都熊督軍克武電

成都熊督軍鑒：近悉川難初平內之輯睦各軍肅清餘孽外而聯絡各省共定中原非得功高望重如執事者斷難膺此艱鉅嗣因省議會公電推舉實為民意所歸是以特加任命日前得唐雲帥有電亦謂軍府任命係本民意深表贊同己力備執事就職乃來電猶未肯受任甚非當仁不讓之義執事之任川督各方翕服若再事推諉轉失衆望且段祺瑞復出執事宜速宣布就職以堅川中討逆之決心而作之氣實所厚望至執事擁護軍府之志皎若日星文所深佩滄白因途梗滯留即待寬路入川復生暫代亦必能相得益彰也再昨得川省議會支日快郵代電公舉石青陽以師長兼軍務會辦當能相助為理除已電唐唐雲帥外如表同情並盼速復孫文案

成都熊督軍克武贊成國會非常會議議決程總長舉行國葬典禮並聲明屆時遙致哀禮電

孫大元帥鈞鑒：吳議長冬電諒達故海軍總長程公玉堂首倡義聲西南羣柱昊天不弔賊我元良既恨無賴之徒復憂邦國殄瘁不有表章孰責興起國會諸公議決舉行國贊典禮克武極表贊同即請在粵諸公定期通電克武屆時當致哀禮用式痛忱臨電無任慟悼之至熊克武叩佳印

張陸軍總長開儒賀徐衛戍總司令紹楨就職通電

孫大元帥鈞鑒讀徐因棟先生齊日就職通電無任欣賀慨自岳州失守長沙繼陷義師既盛逆陷遂張及今狡焉思逞欲寇粵邊道路傳聞將成事實粵為西南根本重地大局所關苟非維持內部之治安何以防禦外侮之紛乘和衷共濟磨礪以待此其時矣固老名將雷林前輩民國干城功高望重國人所崇當此時機危迫之際出就衛戍總司令之職以維持治安為宗旨靖國護法為職志心志皎然欽佩曷極謹電馳賀并望諸公以大義相勗期狂瀾之共挽作砥柱之中流敬布區區伏候明教至開雷駐師粵中職責所在關於昆連贛邊各地已飭嚴為戒備損甲以待絕不令逆賊得逞也知閣廩注并以奉聞張開雷叩真印

成都熊督軍克武允准國會經費電

孫大元帥鈞鑒竊此次西南倡義在於擁護約法而擁護約法之真諦在於恢復國會自叛誓稱兵非法解散國會迄今數月惟廣州尙存非常會議民國一綫之脈賴茲為繫西南將帥之惡死力以爭者亦胥為此前接吳王兩議長東電囑籌墊國會經費并悉廣州將於四月八日正式開會雖天南半壁尙未混一而兵戈擾攘之中苟有此崇正守法之與俾民命有所係屬諸奸因以寒心外人有所觀瞻義聲於茲發展精神實激勝算可操克武職守西陲始終此志雖川兵變經年損失甚鉅而根本大計未敢稍違繼肩支維萬分亦當勉力籌墊一俟的款措齊即行匯粵特先電聞伏希垂鑒克武叩助印

滇軍第二師參謀長張惟聖等為張總長辯誣通電

孫大元帥鈞鑒慨自馮段竊國以來我軍長張公鑑於約法失效國本動搖提百戰懺寒之師勢捷此兇頑不法之徒又復大聲疾呼痞音苦口函電交馳與國中豪傑大義相警何圖形格勢禁義憤莫伸救時

良策徒託空談然靖國護法之決心當早爲國人所共見乃昨閱各報載有龍濟光請北京爲政府任命張開爲廣西督軍專電一則不勝駭異我軍長以純潔高尚之心爲討義護法之舉精忠亮節可貫天日觀於撥護軍府保障國會按跡原心詎復尙有異議而龍濟光當此勢窮力蹙之時欲施其離間之計以遂其狡獪之謀此種種伎倆在龍濟光奸詐百出某某等固不敢信其必無而我軍長素所主張大義昭然中外咸知雖被其妖孽圖污亦何害於公然是非不可不明若一任其顛倒黑白明眼人自不值一笑而無識者難免不爲其所愚某等隸公麾下已有年所熟聞大義之訓敢作辯誣之詞父老昆弟尙其鑒諸參謀長張惟聖旅長林英傑戴永莘李天保團長周永祚李鳳岐王樹藩楊其禮魯子材及全體官佐士兵同叩元印

元謀靖國第七軍軍長郭昌明致大元帥報告恢復六縣電

孫大元帥鈞鑒并轉西南各督軍省長各靖國軍司令師旅團長鑒昌明奉令恢復軍區已於三月念五日率師抵建城會甯鹽甯胎鹽甯邊六縣完全恢復特此電陳靖國第七軍軍長郭昌明叩東印

大元帥獎勵元謀靖國軍第七軍軍長郭昌明恢復六縣電

元謀靖國第七軍郭昌明軍長鑒東電悉知奮厲進取屢復名城壯天南之義聲新西陲之聲壘豈勝欣慰黃君以鏞聞亦規復舊部力圖進行幸同濟艱難並代慰勞之至恢復六縣情形及所部軍旅編制內容仍盼續報孫文篠印

成都熊督軍克武反對非法七年公債電

孫大元帥鈞鑒奉唐聯帥庚電以王克敏私借重款發行公債請由秩老主稿領銜拍電反對昨復接吳
議長虞電藉悉梗概惟月公微電敝處迄未奉到數年以來北京偽政府利用外債破壞共和其罪不可
勝數若不設法制禦國家必陷於危險務懇秩老速擬通電請列賤名並望設法於外交上激生感動使
不至成爲事實克武處於偏隅見聞較遲但關於可抵制北京偽政府者即在粵列名通電克武無不贊
同也克武叩陽印

▲批示▼

內政部批

批南海縣民陸鎮呈為慘陷囹圄案懸冤果由

呈悉仰候令行廣州地方審判廳迅予查訊明確依法辦理可也此批

批順德縣民黎召雨等以案久確定請飭交執行由

呈悉仰候令飭高等審判廳查案迅予發交地方廳依法執行矣此批

批陳彥典為因姦殞命移屍嫁詔乞令釋究由

呈悉已令行廣東高等檢察廳轉飭台山縣地方分庭秉公辦理矣此批

批陸豐縣管獄員袁尙武懇辦知事借權亂法由

呈悉已令廣東高等檢察廳查辦矣此批

批李君亮呈請償地審廳君亮名下存款由

呈悉已奉

大元帥諭由本部與財政部會商辦法候定有辦法再行飭遵可也此批

批轉生等呈案懸數載等情由

呈悉已令廣州地審廳查明訊結并應否照章准予保釋矣仰即靜候可也此批

批新會縣商民李漢呈為案懸不結貽累實除由

呈悉已令行廣州地方審判廳轉飭新會縣分庭迅予判結矣仰即知照此批

批王永等爲違令歸屬藉壘營私呈請將局解散由

據呈已悉惟事關地方行政範圍仰即前赴廣東省長公署呈請核示辦理可也此批

批公民聯合會代表高公瑛等呈爲販運出口囤米居奇懇禁輸運限價平糶由

據呈已悉該公民等以現下米價突漲貧民難堪呈懇禁輸運限價平糶以杜居奇而維民食具徵關心桑梓能見其大實堪嘉尙惟事屬地方行政仰即前赴廣東省長公署呈請核辦可也此批

▲佈告▼

軍政府財政部佈告

照得本部依國會非常會議議決軍事內國公債條例舉募公債以嚴防弊端特慎手續先發行內國公債收條應募人交款之際即給公債收條再轉換正式債票此項收條由各籌餉委員領出分募定章每月須呈報經過情形並將募得款項及收條存根繳解其未經售出之公債收條亦須完全繳部以便隨時整理發行數月竟有少數延宕不遵解繳者本部特於一月式十一日通函飭催並於本軍政府公報及各日報廣告限期清繳茲期限已過查各領人呈報有轉交他人代募不能索回者有因天災或其他事故致毀失者應一律宣布取銷自茲佈告之日始凡後表所列諸字號之內國公債收條概歸無效除將字號表列外特此佈告

中華民國七年式月式十三日

軍事內國公債收條第二次取銷表

字	號	數
果	601 至 800• 901 至 1000•	
珍	001 至 600•	
李	101 至 300•	

軍政府公報

佈告

四月二十日第七十三號

八

▲廣告▼

○軍政府印鑄局公報處廣告(一)

本公報價目

一本報每日出版一號

二定購一月者定價大洋八角三月二元三角半年四元五角常年八元須先交報費

三國內及日本每號郵費半分南洋美洲各埠郵費酌加

四零售每號四仙

○軍政府印鑄局公報處廣告(二)

啟者本公報既出版數月來定購者日增無已茲除各行政公署及各公共團體送閱一份外其餘各個
人恕不贈送愛讀諸公請函致本公報發行處定購可也此佈

中華民國七年二月廿八日

軍政府印鑄局公報處啟

○大元帥府參軍處啟事

啟者大元帥府之電話號數如左

秘書處二二零零

參軍處副官室庶務科二零四四

衛隊室二零六九

大元帥府參軍處啟